



Bosnia and Herzegovina  
Federation of Bosnia and Herzegovina

**CANTON SARAJEVO**  
**Ministry of Labour, Social Policy, Displaced  
Persons and Refuges**

Broj: 13/02-01-05-666/19  
Sarajevo, 25.02.2019. godine

**SKUPŠTINA KANTONA SARAJEVO**  
**Služba za skupštinske poslove**  
**- O v d j e -**

**KANTON SARAJEVO**  
**Stručna služba Vlade**  
**- O v d j e -**

**N/r Sekretara**

Zastupnica Danijela Krstić je na Trećoj radnoj sjednici Skupštine Kantona Sarajevo, održanoj dana, 23.01.2019. godine, u okviru tačke Dnevnog reda „Poslanička pitanja, inicijative i odgovori“, a u skladu sa Poslovníkom Skupštine Kantona Sarajevo, pokrenula zastupničku inicijativu: “za subvenciju troškova produženog boravka za djecu sa invaliditetom”.

**ODGOVOR:**

Ministarstvo za rad, socijalnu politiku, raseljena lica i izbjeglice Kantona Sarajevo je s pažnjom razmotrilo dostavljenu zastupničku inicijativu i daje slijedeći odgovor:

U vezi sa upućenom inicijativom koja se odnosi na subvencioniranje troškova produženog boravka za djecu sa invaliditetom, smatramo značajnim istaći činjenicu da je Zakonom o socijalnoj zaštiti, zaštiti civilnih žrtava rata i zaštiti porodice sa djecom ("Službene novine Kantona Sarajevo", broj: 38/14- Prečišćeni tekst i 38/16, 44/17 i 28/18), (u daljem tekstu: Kantonalni zakon) propisan način ostvarivanja prava na osposobljavanje za život i rad djece ometene u fizičkom i psihičkom razvoju i djece kod kojih postoji invalidnost prouzrokovana povredom ili bolešću do navršenih 15 godina života, djece ometene u fizičkom ili psihičkom razvoju sa navršenih 18 godina života i osoba do navršenih 26 godina života, odnosno poslije navršenih 26 godina života, a najkasnije do navršenih 29 godina života. Članom 39. Kantonalnog zakona je u tom smislu propisano da djeca i odrasle osobe koje se nalaze na specijalnom školovanju imaju pravo na dnevni boravak u specijalnim ustanovama internatskog tipa, ukoliko je takav boravak ili smještaj preporučen



web: <http://mrsri.ks.gov.ba>  
e-mail: [mrsri@mrsri.ks.gov.ba](mailto:mrsri@mrsri.ks.gov.ba)  
Tel: + 387 (0) 33 562-089, Fax: + 387 (0) 33  
562-090  
Sarajevo, Reisa Džemaludina Čauševića 1



mišljenjem Stručne komisije za utvrđivanje sposobnosti i razvrstavanje djece i omladine ometene u psihičkom ili fizičkom razvoju, odnosno mišljenjem Stručne institucije. Troškove dnevnog boravka ili smještaja u internat za ovu djecu, u cijelosti snosi JU "Kantonalni centar za socijalni rad", u visini ekonomski utvrđene cijene troškova dnevnog boravka ili smještaja.

U 2018. godini je po ovom osnovu u Zavod za specijalno obrazovanje i odgoj djece "Mjedenica" je rješenjem nadležnih službi socijalne zaštite bilo smješteno prosječno mjesečno 17 korisnika i za potrebe smještaja je u protekloj godini utrošeno je ukupno 62.737,56KM. U istom periodu je u Centar za slijepu i slabovidnu djecu prosječno mjesečno smješteno bilo smješteno 18 korisnika, a ukupno utrošena sredstva za ove namjene u prošloj godini su iznosila 54.349,60KM.

Iz navedenog je vidljivo da ovo ministarstvo u okviru svoje nadležnosti kroz Kantonalni zakon vodi računa i o ovom segmentu zaštite djece sa invaliditetom, a koja se nalaze na školovanju u školama specijalnog tipa.

Značajnim smatramo istaći i činjenicu da je produženi boravak u školi, aktivnost koja se realizuje za školsku djecu u okviru osnovnih škola, tako da navedeno pripada oblasti obrazovanja, odnosno resoru Ministarstva za obrazovanje, nauku i mlade Kantona Sarajevo. Međutim, imajući u vidu da su djeca sa invaliditetom izuzetno osjetljiva i svakako ranjiva kategorija stanovništva, ovo ministarstvo je uvijek spremno, da se u okviru svoje nadležnosti, dodatno uključi u multiresorne aktivnosti na zaštiti najranjivijih kategorija našega društva, a posebno u aktivnosti koje se odnose na zaštitu djece sa invaliditetom i inkluziju koja je osnov njihove dalje socijalne integracije. U tom smislu, inicirali smo održavanje zajedničkog sastanka sa predstavnicima Ministarstva za obrazovanje, nauku i mlade na kojem bi u kontekstu predmetne inicijative, razgovarali o eventualnim modalitetima za osiguravanje subvencije troškova produženog boravka za djecu sa invaliditetom u osnovnim školama.

Pripremili: Zoran Timarac, šef Odjeljenja  
Smaragda Lučkin, stručni savjetnik  
Kontrolisali: Nuriya Hodžić, pomoćnik ministra  
Slavica Gorančić, pomoćnik ministri

Sekretarka Ministarstva, Belma Trajkov

Dostaviti:

1. Skupština Kantona Sarajevo  
- Služba za skupštinske poslove,
2. Stručna služba Vlade Kantona Sarajevo,
3. Ministru,
4. a/a.



MINISTAR

MIRANK GARIĆIJA



web: <http://mrsri.ks.gov.ba>  
e-mail: [mrsri@mrsri.ks.gov.ba](mailto:mrsri@mrsri.ks.gov.ba)  
Tel: + 387 (0) 33 562-089, Fax: + 387 (0) 33  
562-090  
Sarajevo, Reisa Džemaludina Čauševića 1



Bosna i Hercegovina  
Federacija Bosne i Hercegovine  
**KANTON SARAJEVO**  
Ministarstvo za rad, socijalnu  
politiku, raseljena lica i izbjeglice



Босна и Херцеговина  
Федерација Босне и Херцеговине  
**КАНТОН САРАЈЕВО**  
Министарство за рад, социјалну  
политику, расељена лица и изbjеглице

Bosnia and Herzegovina  
Federation of Bosnia and Herzegovina

**CANTON SARAJEVO**  
Ministry of Labour, Social Policy, Displaced  
Persons and Refugees

Broj: 13/02-01-05-666/19  
Sarajevo, 25.02.2019. godine

Ministarstvo za obrazovanje, nauku i mlade Kantona Sarajevo  
n/r ministrice

-Ovdje-

**Predmet:** Prijedlog za održavanje sastanka, dostavlja se  
**Veza:** Inicijativa zastupnice Danijele Krstić

Zastupnica Danijela Krstić je na Trećoj radnoj sjednici Skupštine Kantona Sarajevo, održanoj dana, 23.01.2019. godine, u okviru tačke Dnevnog reda „Poslanička pitanja, inicijative i odgovori“, a u skladu sa Poslovnikom Skupštine Kantona Sarajevo, pokrenula zastupničku inicijativu: “za subvenciju troškova produženog boravka za djecu sa invaliditetom”, a koja je dostavljena i u Ministarstvo za rad, socijalnu politiku, raseljena lica i izbjeglice Kantona Sarajevo.

Ovo ministarstvo je sačinilo odgovor zastupnici u kojem je imenovanu informisalo o aktivnostima koje Ministarstvo u okviru svoje nadležnosti kroz Zakon o socijalnoj zaštiti, zaštiti civilnih žrtava rata i zaštiti porodice sa djecom (“Službene novine Kantona Sarajevo”, broj: 38/14-Prečišćeni tekst i 38/16, 44/17 i 28/18) realizuje u ovom segmentu zaštite djece sa invaliditetom koja se nalaze na školovanju u školama specijalnog tipa.

Međutim, imajući u vidu da su djeca sa invaliditetom izuzetno osjetljiva i svakako ranjiva kategorija stanovništva, ovo ministarstvo je uvijek spremno, da se u okviru svoje nadležnosti, dodatno uključi u multiresorne aktivnosti na zaštiti najranjivijih kategorija našega društva, a posebno u aktivnosti koje se odnose na zaštitu djece sa invaliditetom i inkluziju koja je osnov njihove dalje socijalne integracije.

Obzirom na sve navedeno, ovim putem iniciramo održavanje zajedničkog sastanka sa predstavnicima Vašeg ministarstva na kojem bi u kontekstu predmetne inicijative, razgovarali o eventualnim modalitetima za osiguravanje subvencije troškova produženog boravka za djecu sa



web: <http://mrsri.ks.gov.ba>  
e-mail: [mrsri@mrsri.ks.gov.ba](mailto:mrsri@mrsri.ks.gov.ba)  
Tel: + 387 (0) 33 562-089, Fax: + 387 (0) 33  
562-090  
Sarajevo, Reisa Džemaludina Čauševića 1



**OTPREMLJENO**

04-03-2019

**potpis**

invaliditetom u osnovnim školama, te Vas molimo da predložite termin i mjesto održavanja sastanka.

Prilog: Inicijativa zastupnice Danijele Krstić

Pripremili: Zoran Timarac, šef Odjeljenja  
Smaragda Lučkin, stručni savjetnik  
Kontrolisali: Nuriya Hodžić, pomoćnik ministra  
Slavica Gorančić, pomoćnik ministri

Sekretarka Ministarstva, Belma Trajkov

Dostaviti:

1. Naslovu,
2. Ministru,
3. a/a.



web: <http://mrsri.ks.gov.ba>  
e-mail: [mrsri@mrsri.ks.gov.ba](mailto:mrsri@mrsri.ks.gov.ba)  
Tel: + 387 (0) 33 562-089, Fax: + 387 (0) 33  
562-090  
Sarajevo, Reisa Džemaludina Čauševića 1

